



黃州府輿地記一

國朝志

光緒湖北輿地記七

黃州府

輿地記

光緒湖北輿地記

禹貢荊州及揚州之地職方爾雅亦屬荆揚周為弦子國及黃  
 國南境春秋時楚滅弦黃其地遂入楚戰國時楚宣王伐邾徙  
 其君於此遂有邾城之名秦為南郡九江二郡地項羽封吳芮  
 為衡山王都邾卽此漢為西陵西陽軼邾春尋陽六縣地西  
 陵等五縣屬荊州江夏郡尋陽屬揚州廬江郡東漢因之三國  
 時分屬魏吳建安十九年吳蜀分荊州而漢之江夏郡魏吳共  
 分其地於是魏武帝分江夏汝南二郡置弋陽郡領西陽軼西  
 陵期思弋陽五縣隸豫州吳分漢江夏廬江二郡置蕲春郡黃  
 武中蕲春屬魏以吳降將晉宗為蕲春太守吳將賀齊等復襲  
 蕲春注虜晉宗蕲春又歸於吳領蕲春尋陽二縣尋陽於建安  
 中屬武昌郡

光緒湖北輿地記七

一

於黃武中隸揚州而吳仍置江夏郡此時魏吳並置江夏郡領邾竟陵雲

杜三縣隸荊州其在今府境者為魏弋陽郡之西陽軼西陵

書地理志元和郡縣志太平寰宇記輿地廣記均以黃岡黃陂  
 麻城為漢西陵縣地惟方輿紀要以黃岡麻城黃陂為漢邾縣  
 地而云漢西陵城在黃州府東北百里按之今圖當在蕲水蕲  
 州之間水經注江水東會希水口又東得桑步又東逕南陽山  
 南又東逕西陵故城城南是西陵在希口之東以地理志西陵  
 在蕲水蕲州間也顧氏所言蓋本顧注然漢書地理志西陵有  
 雲夢宮雲夢雖為大澤延袤江漢亦不能東及於蕲且於西陽  
 邾郡均未言有雲夢是西陵不越在二縣之東則以為在黃陂  
 者近之審是舊唐志諸書所言是也魏晉以後西陵在東水經  
 漢西陵在西舊唐志諸書所言是也魏晉以後西陵在東水經  
 注所言是也洪北江言黃岡縣有漢西陵城又言蕲水縣有吳  
 西陵城亦言有兩西陵也又水經注江之右岸有黃石山卽黃  
 石磯有西陵縣是江南岸亦有西陵隋書地理志省西陵鄂入  
 武昌當卽南岸西陵蓋梁陳間所置者是有三西陵矣若必牽  
 而為一則吳蕲春郡之蕲春尋陽江夏郡之邾六縣地晉平吳  
 難措詞大康元年廢蕲春郡以尋陽還廬江隸揚州以蕲春屬弋陽并  
 度邾屬弋陽隸豫州於是晉弋陽郡領西陽軼蕲春邾西陵期

思弋陽七縣而漢之西陽已并入邾縣再分弋陽縣置西陽也  
水經注江水又左逕赤鼻山南又東逕西陽郡南郡治卽西陽  
縣也又言黃水又東逕晉西陽城南又東逕光城南是有兩西  
陽也江水所逕之西陽漢西陽也所謂郡治西陽縣者蓋指永  
嘉亂後所移之郡治舊唐書地理志光州光山山下云晉分弋陽  
置西陽縣梁於縣置光州是亦晉西陽非漢西陽也  
之證元和志言漢西陽故城在黃岡東南一百里其在府境者  
爲弋陽郡之軼蕲春邾西陵廬江郡之尋陽五縣地惠帝永興  
元年分廬江武昌二郡立尋陽郡於江南而江北之漢尋陽縣  
遂省入蕲春縣惠帝又分弋陽郡爲西陽國封汝南王子羨爲  
西陽王居西陽縣永嘉亂後移西陽縣於邾城上流五里卽漢西陽  
故城分弋陽所置之西陽遂廢太平寰宇記光山云晉大康  
也公惠帝改封西陽郡王居此縣永嘉亂後南渡後西陽王羨以  
縣並移置故邾城上流五里其城遂廢  
罪廢國除遂爲西陽郡成帝咸康四年豫州刺史毛寶蓋於邾城置豫  
州西陽太守樊俊共鎮邾城爲石虎將張賀度所陷石氏疆域

光緒湖北輿地記七

二

南及於江晉之弋陽西陽二郡沒入後趙石氏喪亡晉復淮南  
之地仍置弋陽西陽兩郡孝武時立南新蔡郡於漢九江王黥  
布舊城并置永興縣又改蕲春爲蕲陽度屬焉宋仍立西陽郡  
省邾縣入西陽縣以爲郡治文帝元嘉二十五年以豫部蠻民  
立建昌南川長風赤亭魯亭陽城彭波遷溪東東安西安南  
安房田希水高坡直水蕲水清石十八縣屬西陽郡又分西陽  
縣置建甯左郡孝武自軼之伍洲起兵伐逆劭卽位改軼縣爲  
孝甯縣屬西陽郡大明八年以赤亭彭波并陽城省建甯左郡  
爲建甯左縣屬西陽郡又以新蔡郡之蕲陽還西陽其建昌南  
川長風魯亭遷溪東東安西安南安房田高坡直水清石等縣均  
各省并又以弋陽郡之西陵還西陽郡明帝泰始二年以流民  
置義安縣屬西陽郡於是西陽郡領西陽西陵蕲陽皆舊縣孝甯

改軼分軼義安陽置蕪水陽置東安陽置建甯陽置赤水分軼陽城分軼

分西十縣隸豫州旋度郢州盡在今府境而南新蔡郡如故領

苞信慎宋陽唐四縣隸江州齊西陽郡領西陵蕪陽西陽孝甯

期思永明二年戶口簿無按弋陽郡有期思此為複見義安赤水東安蕪水九縣治西

陵隸郢州又於西陽縣北境置齊興郡領綏懷齊康葺波綏平

齊甯上蔡六縣隸郢州於西陽縣西境北境并分義安縣置齊

安郡領齊安始安義成南安義昌義安六縣於西陽西北境置

安蠻左郡領木蘭新化懷中聶陽南聶陽安蠻六縣分西陽郡

之建甯陽城二左縣仍置建甯左郡均隸司州又於蕪陽縣境

置齊昌郡領陽塘保城齊昌永興四縣隸豫州南新蔡郡仍領

慎苞信陽唐宋四縣隸江州均在今府境惟名號驟易境土屢

分或一郡一縣分爲四五四五之中亟有離合千回百折巧歷

光緒湖北輿地記七

三

難算尋按推求未易精悉梁陳之間淮南地或南或北得失不

恆其可攷者梁有西陽郡領西陽西陵二縣有齊安郡所領縣

無攷均屬郢州陳書宣帝紀大建六年云郢州之齊安西陽梁是郢州本有齊安與沙州之齊安當爲二郡

武普通四年立義州領義成郡領苞信蕪水永興三縣立南定

州治蒙龍城領弋陽郡立北江州治鹿城關領梁安義陽二郡

梁安郡領梁安縣義陽郡領信安北西陽二縣立沙州治白沙

關領齊安郡領南安義安始安齊安四縣立湘州治大治關領

永安郡又有永安郡隋書地理志沔水下云舊置永安郡輿地廣記蕪水下云宋置沔水縣及永安郡方

輿紀要蕪水下云梁置永安郡按宋書州郡志無永安邊城郡

當是梁置但梁有二永安屬湘州者在西北此在西南邊城郡

方輿紀要引五代志黃岡縣界舊有邊城郡梁普通二年邊城

太守田守德降魏魏置西豫州授之又隋志黃岡下云後周置

邊城三郡是也均不知屬何州又立西江州所領在府境者

有齊昌郡領陽塘齊昌二縣南新蔡郡領慎新蔡永興三縣又

有北豫州北司州治湖陂城均無所領其西陽齊安齊昌南新

蔡四郡皆為齊郡義成郡當為齊安郡義成縣分置汪士鐸南

北史補志云普通四年分霍州立義州按義州在今羅田縣其地於齊南

時當屬齊安蓋梁先分齊安地置霍州又分霍州置義州也南

定州當為齊興郡分置梁安郡當為安蠻郡分置義陽郡當為

齊興建甯二郡分置沙州當為齊安建甯二郡分置湘州之永

安郡亦當為安蠻郡置又一永安郡當為西陽郡希水縣分置

邊城郡當為齊安西陽二郡分置蓋梁武方事征伐恢拓土宇

邊境鎮戍雖領民不多皆建為州郡焉大清三年地入東魏魏

仍立沙州治白沙關城領建甯齊安二郡建甯郡領建甯縣齊

安郡領梁豐縣立義州所領郡縣無攷立北江州治鹿城關領

六郡義陽郡領義陽縣齊昌郡領齊昌縣新昌郡領興義縣梁

安郡領梁興縣光城郡領光城縣當不在今府境齊興郡領西平縣立

光緒湖北輿地記七

四

湘州治大治關城領三郡安蠻郡領新化縣梁甯郡領澠陽縣

永安郡領新城縣立南定州治蒙龍城領弋陽等五郡多不在今府境

大抵皆因梁舊稍有并合增置耳後齊於故西陵城西南別築

小城置衡州領齊安郡所領縣可攷者曰南安於巴水上置巴

州領弋陽西陽邊城三郡仍立湘州領梁安永安義陽二郡梁

安郡領梁安縣又立羅州領齊昌郡齊昌縣又廢南新蔡郡為

永興縣屬齊昌郡後又分永興縣立義州又立南司州黃陂縣

及產州陳宣帝大建五年收淮南其地復為陳有省衡州巴州

改湘州為北江州置定州於梁北西陽城十一年地復入於後

周復立衡州於齊安於巴州立弋州改定州曰亭州領建甯陰

平定城三郡定城領信安北西陽二縣改南司州曰黃州安昌

郡又改羅州曰蘄州隋平陳混一區宇開皇三年改衡州為黃

州煬帝初廢州爲永安郡統縣四曰黃岡實梁之西陽郢州齊安沙州齊安邊城四郡魏之齊安齊興二郡後齊之衡州巴州後周之衡州弋州地所置曰黃陂實梁之梁安郡魏之梁安梁甯二郡後齊之南司州產州後周之黃州安昌郡地所置曰木蘭實梁之梁安義陽永安三郡魏之梁安安蠻永安三郡後齊之梁安義陽永安三郡陳之北江州地所置曰麻城實梁之義陽郡南定州沙州北境魏之建甯義陽二郡南定州後齊之湘州義陽郡陳之定州後周之亭州地所置又於後周之蘄州置蘄春郡領縣五曰蘄春實齊昌郡地所置曰浣水實宋齊之希水梁之永安郡地所置曰蘄水梁本屬義成郡度屬蘄春曰黃梅實梁之南新蔡郡後齊之永興縣義州地所置曰羅田實義州地所置永安郡屬荊州蘄春郡屬揚州唐武德三年改永安

郡曰黃州省木蘭縣入黃岡縣分黃岡縣置堡城縣黃州領之分麻城置陽城縣立亭州領之又立南司州領黃陂縣四年改蘄春郡爲蘄州省蘄水入蘄春分蘄春立永甯縣省羅田入浣水縣改浣水縣爲蘭溪縣蘄州領之又分黃梅置義豐長吉塘陽新蔡四縣立南晉州領之立總管府於黃州管黃蘄亭南等州七年廢亭州南司州八年廢南晉州仍省堡城入黃岡省陽城入麻城省義豐長吉塘陽新蔡入黃梅於是麻城黃陂仍屬黃州黃梅仍屬蘄州貞觀元年罷總管都督府天寶元年復改黃州爲齊安郡改蘄州爲蘄春郡改永甯縣爲廣濟縣改蘭溪縣曰蘄水縣乾元元年復曰黃州蘄州均屬淮南道黃州領黃岡黃陂麻城三縣蘄州領蘄春黃梅廣濟蘄水四縣五代仍爲黃蘄二州於梁唐時屬吳於晉漢時屬南唐其後爲周有宋爲

黃州齊安軍事團練軍州也蘄州蘄春郡防禦均屬淮南道建  
炎中黃州隸沿江制置副使蘄州爲盜所據紹興九年收復景  
定元年移治龍磯黃州仍領黃岡黃陂麻城三縣蘄州領蘄春  
蘄水廣濟黃梅羅田五縣蓋元祐八年復以蘄水石橋置羅田  
縣耳元爲黃州蘄州二路至元十二年立淮西宣慰司於蘄州  
路十四年改總管府又立總管府於黃州路十八年爲黃蘄州  
宣慰司治黃州路二十三年罷宣慰司黃州蘄州二路均直隸  
河南江北等處行中書省所領縣均仍舊明太祖甲辰年改黃  
州路蘄州路爲黃州府蘄州府九年四月蘄州府降爲州以蘄  
春縣省入州治度蘄水羅田屬黃州又分黃岡黃陂麻城三縣  
地置黃安縣於是黃州府領黃岡黃陂黃安蘄水羅田麻城六  
縣蘄州領廣濟黃梅二縣并屬於黃州府隸湖廣布政司尋改

隸河南二十四年六月還屬湖廣 國朝因之康熙三年分湖

廣布政司爲湖北布政司黃州府屬焉雍正七年度黃陂縣屬

漢陽府廣濟黃梅直隸於黃州府蘄州始不領縣於是黃州府

治黃岡縣城西南臨江在府北爲麻城西北爲黃安東爲蘄水

東北爲羅田東南爲蘄州蘄州之東爲廣濟廣濟之東爲黃梅

而黃岡蘄水蘄州廣濟黃梅皆南瀕大江疆域自西北至東南

長亘四百七十里廣二百五十里北倚山南帶江形勢略同武

昌府府城偏居南邊距東南爲最遠西北東北次之西南渡江

則爲武昌縣矣

東至安徽宿松界三百十里西至漢陽府黃陂界一百五十五里南至武昌府武昌縣界四十里

北至河南光山縣界四百七十里東南至江西德化縣界四百二十里西南至武昌府江夏縣界一百五十里東北至安徽霍山界三百八十四里西北

南界江於水道敘之西界漢陽之黃

陂詳漢陽篇茲自黃安黃陂羅山界之五房彎而東七十里爲

黃安羅田光山界又東五十里渡倒水有黃安北出白沙關之路又東六十里至羚羊山爲黃安麻城光山界又東歷木陵關黃土關修善關凡八十里至青峰嶺爲麻城光山商城界修善關及青峰嶺東之小界嶺均有麻城北出商城路又東南歷隘門關長嶺關凡百一十里至松子關爲麻城商城羅田界松子關有羅田北出商城路又東歷銅鑼關栗子關青苔關凡六十里至三省腦爲羅田商城霍山界栗子青苔均有羅田北出商城路轉而南歷長嶺岡卡襃門關小夫子嶺卡凡四十里爲羅田霍山英山界長嶺襃門均有羅田東北出霍山路又西南歷大嶺岡卡水田山卡凡七十二里抵浠水傍浠水南下十五里至樂利河市有羅田東南出英山路又西南四十餘里至雞兒河汎爲羅田英山蘄水界泝雞兒河而東南五十四里至界牌

石爲蘄水蘄州英山界轉而東北歷長鎮卡長定卡凡三十餘里至四流山爲蘄州英山太湖界轉而東南五十里爲蘄州太湖宿松界又南三十六里爲蘄州宿松黃梅界轉而東南三十里至董家橋北又南二十六里至踏石澗又南三十六里渡涉湖凡三十里至黃梅宿松德化界董家橋踏石澗均有黃梅東出宿松路又南越同仁隄六七里抵江此府境之界也江北淮南幹山西自孝感至小龍山入黃安境又東曰鷹雞山灑水出焉又東入河南光山境至白沙關北倒水出焉又東至羚羊山入麻城境浮橋河水出焉又東至小界嶺大界嶺舉水北源出焉又東南至黃柏山舉水中源出焉又東南至隘門關石版河水出焉又東南至松子關入羅田境東義洲河水出焉又東至青苔關巴水出焉自松子至青苔卽水經之大別山注謂之檀



公峴亦曰下靈山者也決水出山北巴水出山南決水卽固始縣之史水入淮者又南曰天堂砦曰石柱山府境大山也又東入安徽霍山縣境曰霍山淖水出山北浠水出山南又東越巢湖而止於運河此江北淮南幹山也其自幹山分入府境者有灑水與倒水閒山自鷹雞山之東分支南入黃安境又東南爲黃安黃陂界西南入黃陂境者盡於灑水之東武湖之北東南入黃安黃岡境者盡於倒水之西大江之北卽所謂陽邏山者南宋於此築堡以扼元兵南渡有倒水與舉水閒山自鈴羊山分支而南爲黃安麻城界其東南入麻城境者盡於浮城河之西舉水之北西入黃安境者盡於倒水之東又自黃安境南入黃岡境者盡於白湖毛湖三分湖大灘湖之北有浮溪河與舉水北源閒山自鈴羊山之東大小界山之西分支南迤盡於舉

水西北岸有舉水北源與中源閒山自大小界山之東南黃柏山之西北分支西南迤盡於二源相會處有舉水與巴水閒山自黃柏隘門閒分支南迤入麻城境曰龜峰山名山也水經注謂之龜頭山舉水南源出焉山盤亘數十里其小支西入中源南源閒者盡於二源合流處自龜峰而南至覆鐘寨入黃岡境又西南曰小崎山大崎山大山也又西南盡於府城山之西支盡於舉東山之東支盡於巴西有東義洲河與巴水閒山自松子青苔閒分支西南入羅田境盡於東義洲河入巴水處所謂夾河背市也有巴水與官渡河閒山自天堂石柱分支西南入羅田境經城北盡於官渡河入巴水處所謂尤河背市也有巴水與浠水閒山自天堂砦南迤爲羅田英山界至濛濛山西南入羅田境至駱駝坳西南入蘄水境有所謂大小靈山名山也

又西南盡於大江之北其西北支盡於巴東其東南支盡於浕  
西有浕水與蘄水閒山自霍山分支南入英山境至四流山入  
蘄州界蘄水出焉分爲二支自四流西南池入蘄浕閒爲蘄州  
英山界又西南爲蘄州蘄水界又西入蘄水境又西南盡於大  
江之北山北之支盡於浕南山南之支盡於蘄北自四流東南  
池爲蘄州太湖界又南爲蘄州宿松界至魚鱗坳黃梅縣河水  
出焉又分二支西支自魚鱗坳西南池入縣河與蘄水閒爲蘄  
州黃梅界又西爲蘄州廣濟界又西南至甌棚山西南入廣濟  
境又西南經廣濟縣城北西南至夫妻山入蘄州境又西盡於  
蘄州城山東山南之支盡於黃梅縣河之西與大白塍塘連城  
武山等湖之北山西北之支盡於蘄南東支自魚鱗坳東南  
池爲黃梅宿松界盡於涉湖張池湖之北此府境山之大略也

府境之水以大江爲經流江自漢陽府黃陂縣東南流至水口  
入黃岡縣境行二十五里至木鵝洲南岸入武昌縣境行五十  
里至鵝公頸舉水入江處也卽水經注之舉口口外有羅霍鴨  
蛋等洲卽水經注之舉洲一曰烽火洲者又行百里至巴河口  
入蘄水縣境行二十里至伍洲世傳子胥渡江處水經注言江  
中有五洲相接故以五洲爲名是也今江中尚有趙家洲戴家  
洲又南過浕水口行三十里至迴風磯入蘄州境南岸入大冶  
縣境迴風磯當卽水經注之芍磯一曰南陽磯洛至磯石姥者  
行四十八里至上磯頭南岸入興國州境卽葦口也其下有田  
家溝溝已淤塞卽水經注之東湖口所謂江波左池流結成湖  
蓋今之長海赤西湖是也又行三十里至蘄口口南卽蘄州城  
又行十里至迎山下入廣濟縣境迎山卽水經注之長風山其

下兩湖當卽長風口江浦也行二十四里至積布磯卽水經注之積布磯一曰積布山者行三十里至急水棚南岸入江西瑞昌縣界又行十六里至武穴其東有青林棚當卽水經注青林口也古口淤塞尙存青林名耳行五十里入江西德化縣境行五十里至清江入黃梅縣境行四十二里又入德化境此大江之在府境者也其入江之大水有倒水舉水巴水浠水蘄水卽宋書所謂五水水經注五水謂巴水希水赤亭水西歸水蘄水按今倒水西歸水也水經注於五水曰西歸水於舉水下曰倒水於江水下曰烏石水其實一水也出河南光山縣白沙關北南流二三十里入黃安境曰西界河行百五十里曰紫潭河入黃岡境行六十里匯爲大灘外灘張渡等湖東通馬驛湖白湖有支津達舉水西匯戚湖鵝頸湖樟松湖約四五十里至龍口

入江舉水水經注五水之一一曰赤亭水出麻城縣小界嶺南流入麻城境行百七十里入黃岡境行百里至鵝公頸入江巴水水經注五水之一出羅田縣青苔關西南入羅田境行百里爲羅田與麻城黃岡界行四十里至尤河背爲黃岡與蘄水界行百二十里至巴河司入江浠水水經注五水之一又作希水出安徽霍山縣之霍山南流經英山境約百里爲羅田英山界行五十里爲羅田蘄水界行三十二里入蘄水境行百二十里至蘄溪司入江蘄水水經注五水之一出蘄州北四流山西南入蘄州境行二百里入江此府境五水也故昔人稱其地爲五水蠻又有梅川水出廣濟縣北橫岡山南流六十里匯武山湖東南匯三十里爲連城湖萬障湖又東北十里爲滕塘湖小磯湖又東北十餘里爲大白湖又東十里入黃梅境又東行四十

里會黃梅縣河水爲感湖東南行四十里爲張池湖入安徽宿  
松境又東南入江西德化地入江按黃梅縣河卽水經之利水  
自黃梅北山發源行八十里入感湖其西通大白等湖則酈元  
所謂西南流水積爲湖者也廣濟境內諸湖港則酈元所言湖  
水西流謂之青林水也武穴東之青林棚古青林口也故道淤  
塞西流不復入江其由感湖東注宿松之水則酈元所言一水  
東流通大雷者也此府境水之大略也

黃岡縣

沿革

周爲黃國南境茲國西境春秋時茲黃皆爲楚所滅遂爲楚地  
戰國時楚宣王滅邾徙其君於此於是有邾城名秦爲南郡地  
項羽封吳芮爲衡山王都邾卽此漢爲西陵縣東境及邾西陽

光緒湖北輿地記七

十一

二縣地屬荊州部江夏郡東漢因之惟江夏郡治西陵三國時

分屬魏吳屬魏者爲西陽縣地豫州弋陽郡治也屬吳者爲邾

縣地荊州江夏郡治也晉爲邾縣地

漢西陽已屬豫州弋陽郡并入邾縣

惠帝復置西陽郡永嘉亂後移置西陽縣於邾於是又有西陽

縣地而西陽郡實治於邾咸和四年石虎將張賀度

水經注作張格度

陷邾其地遂屬後趙石氏喪亡其地復歸於晉宋省邾縣入西

陽縣爲西陽郡治隸豫州後度郢州齊西陽縣屬西陽郡隸郢

州又分西陽北境立齊興郡隸郢州分西陽西境立齊安郡分

西陽西北境立安蠻左郡均隸司州黃岡則爲西陽郡之西陽

縣及齊興齊安安蠻三郡地梁陳廢置其詳不可攷大略爲梁

西陽二齊安邊城梁永安六郡地西陽屬郢州齊安一屬郢

州一屬沙州邊城不知何屬梁安屬北江州永安屬湘州大清

三年地入東魏爲沙州之齊安北江州之齊興梁安湘州之安蠻永安五郡地後齊爲衡州之齊安巴州之西陽邊城湘州之梁安永安義陽六郡地陳宣帝大建五年收復其地廢衡州巴州改湘州爲北江州十一年地復入後周仍爲衡州之齊安弋州之西陽二郡隋開皇三年改衡州爲黃州煬帝初廢州爲永安郡隸荊州於梁之西陽齊安邊城魏之齊安齊興後齊之衡州巴州後周之衡州弋州地置黃岡縣於梁之梁安義陽永安魏之梁安安蠻永安後齊之梁安義陽永安陳之北江州地置連城縣尋改曰木蘭縣均屬永安郡治黃岡今縣則爲黃岡及木蘭縣東南境唐武德中改永安郡爲黃州省木蘭縣入黃岡縣分黃岡縣置堡城縣旋省堡城縣入黃岡縣爲黃州治隸淮南道五代黃岡仍爲黃州治於梁唐時屬吳於晉漢時屬南唐

周有江北海南地黃州遂屬於周宋黃岡縣爲黃州齊安軍治所屬淮南道建炎中隸沿江制置副使元黃岡縣爲黃州路治隸河南江北行中書省明黃岡縣爲黃州府治隸湖廣布政司又分黃岡黃陂麻城三縣地置黃安縣於是黃岡縣境與今疆域合 國朝因之康熙三年分湖廣布政司爲湖北布政司黃岡縣爲湖北布政司黃州府治所

疆域

廣二十五里縱九十八里至京師陸程三千二百六十里至省陸程一百八十里東至蘄水縣界二十五里西瀕江武昌縣界南瀕江武昌縣界北至麻城縣界九十八里東南至蘄水縣界二十八里東北至羅田麻城界一百二十八里西南瀕江武昌縣界西北至黃安黃陂界一百六里

天度

朔日出入 緯度北極出地三十度二十五分十八秒經度距 京師中綫

偏西一度四十一分十五秒 冬至日出卯正三刻十四分二秒日入酉初初刻五十八秒晝

四十刻一分五十六秒夜五十五刻十三分四秒夏至日出卯

初初刻五十八秒日入酉正三刻十四分二秒晝五十五刻十

三分四秒夜四十刻一分五十六秒 黃岡之山自麻城縣之天台山分支南過麻城境至縣東北

一百二十四里之甘棠岡始入縣界其南曰五寶菴山東有

覆鐘砦山有虎皮山有噓算尖有金波砦山西北有鵝公包

有獅子頭有大安砦有護珠砦西有茅成山有奇緣寺山有

向善寺山又南曰羅漢腦又南曰白石山白石山之南曰楊

家山東有高家山有猴兒石有古石腦有錫鍋頂山有雞籠

尖有齊人碁有九柯松山有筆架砦有駝鯉碁又南曰楊家

砦東有鐵腳碁南有帽子頂山有覆鐘山有九老山有羅漢

腦有院啓山有龜形岡又西曰石人砦五桂河出焉南有鵝

兒山又西循五桂河之左曰錫福頂又西曰婆婆腦腦西有

滴水碁又南曰天馬山又南曰張家腦又南曰熊家墩羊腳

河出焉又南循河之右曰文峰山曰兵營腦東南有鴉口石

有虛算頂又南曰虎山曰金盆腦自楊家砦至此為五桂河

巴河閒小支也白石山之西曰獨尊山又西北曰立德腦西

南有大坳腦有拱家山又西曰舒家山南有龍井腦有蓮花

石有斑竹山舒家山之北分支縈紆於沙河舉水閒者曰

光緒湖北輿地記七

三

黃龍寺砦北有落螢巖又西北曰隨天砦又北至麻城界曰龍師壇山西南有黃麻坳有丁家山又西北循界曰伊水坳西南有布袋山有燈籠山有白梅山西有瓜子砦伊水坳之東北循界者曰捏頭砦東有風火山又東北曰魏家山東北有東界嶺又東曰蔡家腦北有滕金坳有乾魚腦伊水坳之西北入麻城境者曰望家岡又西北曰鯉魚砦南有鶯鶯石橫河出焉又西曰對頭腦北有鮑家山西南有熊家山有何家山有背後腦又西少北曰靜山北有觀音巖有四方山有汪家山南有楊家山又西北曰雲霧山又西北曰望花山南有楓樹岡又西少北至縣界曰雁台山雁台山之南循界者曰史家岡曰吳家岡又西南入縣境者曰獅子坳又南曰周家山又東南曰蜂城砦東有曹興砦東南有陶璜砦又南曰

傅家山又西南曰胡家山又西南曰操家岡又南曰戴家山自史家岡至此爲沙河李木子河閒小支也雁台山之北循界者曰水嶺自水嶺之西南出於易家河姜家河閒者曰木耳岡又西南入縣境者曰墩陳砦又南曰王家砦自水嶺而西北至城墩區之山李木子河出焉南有天鐙岡又西至紫雲區之山北有方家砦又西南曰余鐵岡余鐵岡之東南至縣界曰蘇家岡又東南入縣境曰紫荊寺山東有陳家岡又東南曰土甄砦又西南曰羅家岡北有高秦家打石河出焉又南循河之東曰杜家砦而止焉自余鐵岡之西少北曰豹子山梅花港出焉西有白龍岡又西少南過港之南曰潘家砦三店河出焉西有興隆山又南入縣境爲舉水三店河閒之山而止焉余鐵岡之西南出李木子河三店河之閒者曰

獨山又南曰天齊廟之山東有從興岡西南有陳家山又東南曰朱家砦又南曰王家岡又南至縣界曰喻家岡北有李家岡西有孔家山有宋家砦有大婆山又南少西入縣境者曰魏家岡東南有毛山砦有蔡家山又西南曰葉顧岡又南曰普濟菴之山東有樓子岡又南曰雷家坳東有風合山西有鳳台山又東南曰斗山口又西南曰單家岡又南曰郭家山又南曰蔡家山又南逾白塔河曰古石砦西有松林岡自舒家山至此爲麻城之汝陰河南與沙河間之一支也舒家山之西曰香鑪山西北有帽兒石又西曰土門西北有馬踏石西有李家山西南有姚家腦又南曰三子畧又南曰汪家腦又西曰屏風砦沙河出焉又西北循沙河之南曰小崎山又西北曰團腦道觀河出焉自團腦之西曰鉢孟腦又西南

曰趙家山又西曰道人山北有札山畧有石門山又西曰林家砦又西北曰熊家砦而止於香末店自團腦之西北至麻城界曰大崎山南有接天山有胡家山又西北循界曰大岡段家河出其西南柳樹河出其西自大岡西少南出於二水之間者曰將軍山又西南曰仙山又西少南曰張家山又北曰尖峰山砦又西南曰爛石腦又西南曰王家砦又西北曰煙墩腦又西止於虎山自大岡出柳樹河之北循界而西少北曰千里岡又西北曰對面山西南有枇杷腦有梁家岡西北有象奇山又西入縣境者曰劉家坳西北有林家山又西北曰龍岡山北有鄭家岡又西南曰扁擔山北有方家山又西止於張家墩自小崎山至此爲沙河道觀河間小支也小崎山之西南曰祥兒山西有鋪平畧又南曰破山東有紬茅



砦有禱雨山西北有劉家山有林家山又南曰華家山西有滴水暑華家山之東南曰和尚暑又東曰紅毛腦又東南曰錫鍋頂山又南曰蛇頭山又南止於騎馬嶺華家山之西南曰泉華山西北有白衣山有清飄暑泉華山之東南曰劉婆暑溢流河出焉又東南循河之左曰游菁腦又東南曰白雲山又東南曰大腦山又南曰望河腦又南止於古井山泉華山之南入溢流河王家坳水閒者曰黃金腦又南曰羊頭腦東有賀家坳又東南曰佛過山北有沙塘坳又南曰偃傍山曰何家山又西南曰暫佛山東有虎山有淨明寺山有望山腦西南有鮎魚山又南曰團山又東南曰壁臨砦又東南曰雞公山北有霸王台又南曰虎山曰西山而止焉泉華山之西曰戚住山張家河出其北牛車河出其南王家坳水出其

東南戚住山南出於牛車河王家坳水之閒者曰確曰腦西北有竹林岡又東南曰豹子腦東有王家坳又東南止於大壁山戚住山之西曰百丈暑北有楊柘山南有沙人岡又西曰龍岡山南有獨山峰自龍岡山之西北出於道觀河山廟河街閒者曰東山東有鐵箍腦有三角山東山之西少北曰葉腦有望荷腦又西北曰城腦山砦又西北曰刀腦山砦西有瓢兒山北有臘燭山又西北止於滿湖菁東山之北少西曰將軍山又北曰黃龍暑黃龍暑之東南曰圓几坳北有菜子腦有入道觀之水出焉有鐵冶岡又東南曰望兵砦南有鐵門關砦又北循菜子腦水之東止於花石洞黃龍暑之西北曰長家山東有大山有羅家山又西北曰寶菴砦又北曰抱龍暑石榴河出焉又西北出河之北曰磨盤山又西曰黃

家坳又南曰傅家岡又西曰雙龍山而道觀河山廟河街閒  
之小支止焉龍岡山之西南曰天台山又南曰馬鞍山山廟  
河出焉又南曰黑狗暑滾子河出焉自黑狗暑西北入山廟  
河滾子河之閒者曰黃龍暑黃龍暑之西北曰旂岡又西北  
曰響水暑又西曰大山腦又西曰葉家冲山北有海螺山又  
西曰普菴堂山西北有龍井坳陳家河出焉河之北有華家  
山有得勝山普菴堂山又西曰孫家山曰武陽山又西北曰  
柳樹坳西北有大鼻山有馬家山又西南曰仙人掌黃龍暑  
之西曰風華山孔子河出焉西南有邵家腦邵家河出焉有  
趙家砦北有撲船山又西循孔子河之南曰檀山又西曰麻  
虎山砦北有會龍山觀音暑煙墩腦又西曰細豆坳西北有  
方家岡西有中觜山有秀墩岡又南曰道士岡又南曰林山

又西曰張家岡又西曰新砦黃龍山之西南曰龜山又西曰  
楊家腦西有將軍山陳家河出焉有洞腦有梨樹岡又西南  
曰飛鳳山彭家河出焉又西曰大坳西有雨華山有孫家山  
有茅屋岡有石頭觜有詹家山觜又西南曰窖口山又南曰  
劉家岡曰下岡而山廟河滾子河閒之小支止焉自黑狗暑  
南出於牛車河朱大夫河閒者曰朝天寺山朝天寺山之東  
曰望湖山又東曰細蜂子腦又東南曰王家坡又東南曰長  
嶺岡朝天寺山之南曰大山腦鵝公堡水出焉又東南循水  
之右曰吐蕊山又東曰石壁山東有宋家坳又南曰王家大  
山又東南曰錦屏山北有茅入山錦屏山之南曰普人山又  
南曰鉢孟腦又東曰細坳北有大坳又南曰陀山東有朱家  
大山有鹿山又東南曰紗帽腦曰打魚山錦屏山之東南曰

白石滾山馬家河出焉西有風箏腦又南出馬家河之西曰猴兒洞山又東南曰陳德岡又南曰神山又西曰雨山又南曰朱家岡而牛車河朱大夫河閒之小支止焉自黑狗畧而西南曰王家山朱大夫河出焉又西曰高家冲山北有蛇山西南有鳳皇山有錫鍋頂山有鐵石山又南曰城山砦西南有獅子腦有雨台岡有金雞窩山又南曰響水畧有入何家湖之水出焉又東南曰維摩堂山東有落雨山維摩堂山之西南曰湯鋪嶺又西南曰橫坡嶺南有石版坳又西曰新屋岡南有譜哥山又西曰金雞山又南曰熊家岡南有雨台觀山又西曰八股山又西曰錐子岡維摩堂山之東南曰白洋山有入鶴子湖之水出焉東北有沙鉢腦又東南曰蓮蓬山夾塹溝出焉東北有磨兒山東南有土門有烽火山有擂鼓

山有虎山有祠堂岡西南有古閉山有香鑪山有大蠱坳又南曰獨尊山西有大石頭坳獨尊山之東南曰鴨公山又東南曰張家大山西有大王山有葉家岡有暗兒山又東曰李家社山東有雄黃山又東南曰照兒山獨尊山之南曰鷹揚嶺又西南曰虎山西北有野茅岡有合拳山有望家山南有鳳皇山又西曰關山砦又西南過道人湖河曰黑龍磯西有豬頭山又南曰牛馬岡曰戚家嶺又東南曰丁家山又東南曰老鴨山道人湖河之東陳家港之南有經堂山又東南過巴河分支至巴河口之南後湖口之北曰馬騎山而止焉白洋山之東南曰迴龍山西有董塆山有心安砦有玉龍山又西南曰眞武殿山西有圭山又南迤西至胡家墩過長河曰楊家墩又西南至江濱曰羅漢山又西南曰大山又南曰王

家山東有鄆家山又南曰長坡又南至府城北曰龍王山東至三台河畔有道士岡有台子山又東南曰桐梓岡東止於康家磯此自麻城天台山分支而南盤屈於縣境舉水以東巴河以西之支山也

水

江水自黃陂而下至於沙口始入縣界沙口在縣之西北八十一里南岸爲江夏地江水自此東流十里左得水口武湖注江之口也武湖受黃陂諸水詳見黃陂篇爲界埠河南流來注江水又東南流一里半左有紫泊湖水西南流來注江水又左過陽邏倚長山東南流十里左得龍口龍口樟松湖水分西流注江之港口也港北受孝子湖水口北爲長山之尾口南則大梁山也江水又東南流十里至白澥山北近南岸江中有洲曰木鵝洲

光緒湖北輿地記七

十九

白澥山江夏武昌界山也江水又循縣與武昌界東流二十里過矮劉鋪南又東北流十里至濫泥鋪南又東流四里有二洲曰羅霍洲曰鴨蛋洲縣屬也羅霍洲南北最闊處約十一二里東西約八九里鴨蛋洲自西北至東南斜長約二十里最闊處約十二里江水自羅霍洲頭分爲二南支倚武昌界東南流十六里至三江口北支東少北流七里至馬驛鋪南又分一支東南流五里南流六里西南流五里與南支合於三江口之上以閒二洲西爲羅霍東爲鴨蛋也北支又依鴨蛋洲北東流四里至鵝公頸左得舉水口

舉水自麻城總合諸流至縣北微西一百二里之嘉魚村市西入縣境南流四里至黃土街東有舉水分支自右受辭家山水來入又南流六里半至上渡口張公橋水自黃土街南

流六里右受楊家岡小溪東南流六里來注又西南流半里右受陳家橋小溪又爲柳子港南少東流三里過柳子港市西至夾洲頭分爲二西支曰徐家河自夾洲頭南微西流八里又西南流三里半又南少東流四里右有任家河自喻氏祠北流三里半至古城砦南又東流一里北流四里至張店東又東少北流一里半東南流三里注舉水西支舉水西支又爲白米河爲占家河又南少東流五里至占氏祠北有港東半里通東支舉水西支微西迤南微東流二十里至靜安寺東大街橋水南少東流十五里來注舉水西支又爲出街河南流九里匯白湖舉水東支自夾洲頭爲濫泥河南微東流四里西南流二里東南流二里南微西流四里東流二里半三店河自麻城之潘家砦西南流三里入縣界爲社柳港

屈曲南少東流七里朱家橋水自麻城界循界南流五里入縣境西南流三里又東少南流四里至戴家橋復抵麻城界又循界東南迤南流三里半至孔家山西又入縣境南少西流八里過東三店汛東至邱社樹灣東西三店河自路灌口南少東流九里至邱社樹灣北與合三店河又南流八里經涂家橋下左受小溪又西南流四里注舉水舉水又南流五里至鳳台山西又南少西流三里右有港通西支又南流三里半至姚二渡出支津西南流一里分爲二相並屈曲南少東流十七里至王家墩西合爲一又南流六里至兩河口舉水自姚二渡南少東流十四里經辛家冲右岸有市又南流六里至黃應西又西南流六里姚二渡所出之支津復來入又東南流二里有港曰白塔河東五里通草場湖舉水又屈

折南流六里有牛路溝自白湖東南流二里來入舉水又南少東流二里右與白湖通舉水又南流一里南匯小湖曰烏鼈湖舉水又西南流二里倒水自右來會

倒水源出河南光山縣之南境白沙關南經黃安縣境至縣北少西九十八里之林家集曰紫潭河李家港自黃婆坳西流四里半注之倒水始入縣屈曲南流二十四里半至三河口左出支津東流五里南流八里西流一里南微西流二里分爲二東曰陶家河右匯一小湖左匯二小湖西曰周家橋河相並南流九里半復合爲一又南流一里右匯小湖又爲彭城河南流四里左匯小湖又東南流三里半左出二港匯白保湖又南少西流四里入大灘湖倒水自三河口東南流三里半至仁和集東王家堡南又南流二里半左有沈家乾

河南達支津之周家橋河又南流一里半至永隄寺北又西南流四里至孔家埠砦東又南流三里西南流三里至金家湖西李家河自縣與黃陂界之趙家堰爲洪溪溝屈曲東南流九里至曾家橋又爲上港南流十里匯米篩湖湖東西廣二里半南北長四里李家河自湖之南屈曲南少東流九里注倒水倒水又南流四里至孫站西又東南迤南流七里半北匯泉湖又南流二里半西匯陶樹湖倒水又屈東少北流四里東南流三里匯於外灘湖外灘湖張渡湖之別澥也張渡湖之廣狹自倒水匯湖之口南至南岸二十二里自倒水出湖之口西至南山背十八里出口在匯口之東十六里半南十里其北岸東岸自倒水匯口東南匯三里卽倒水別支匯口也其外爲大灘湖又南屈東匯三里南匯二里水中有

小墩又南匯三里東匯一里半曰中灘湖又北一里東一里南一里至老冠觜曰下灘湖觜之東南湖中一里有洲曰三連洲洲向東南斜長二里半闊半里湖水自觜之東北匯二十三里至袁家廟南爲汊廣約二三里汊中之別名在汊口者曰童羅湖西岸有並阜山東岸爲連湖畝觜近東岸有二墩南北亘北二墩絕小南墩曰腳底山南北長二里闊半里其南盡處南值三連洲之尾距二里童羅湖之北曰三分湖西半在張浪觜之北有港西北至倒水別支匯口之東北里許東猶連湖畝也連湖畝之北有連湖港東三里半通白湖港之北有小湖三分湖之北曰毛湖西有龍泉港至白保湖之東半里許東爲劉家涇岸又北曰黃皮汊東爲葉家灣岸又北曰竹子汊東爲三村家岸汊口東之連湖畝南北凡四

里闊略如之湖水匯其南曰楊家汊又匯至其東南隅爲小汊曰黃沙湖汊東觜之南水中有小墩曰喻家山西少南距老冠觜凡八里半湖水自墩之東又北匯四里廣三里半曰白湖白湖之西北角爲連湖港口東北角則舉水西支之匯口也舉水西支匯口與倒水匯口南北等平東西距凡七七里自舉水西支匯口南少東四里至牛路溝口西對喻家山三里餘湖水又自牛路溝口南匯二里東迤東南匯二里半東與舉水通湖水又西南迤西北匯四里有磧餘溝南少東一里半入倒水湖水又迤南折西匯二里有子汊河東流一里入倒水湖水又屈折南匯二里至倒水出湖之口其湖之西岸南岸自倒水匯口屈曲西匯十一里至安義灣南曰內灘湖又屈曲東南匯六里曰吳家湖又南匯二里過邵家觜

觜南曰林家汊廣一里半其外爲兜水湖湖水又南少東匯四里半東北池東匯二里至鶯哥觜曰妙湖湖水又南匯四里至南山觜又西少北匯二里半至大家觜又南少西匯二里至王家灣西又東南匯七里半至龍陽觜觜北對倒水匯口距凡十九里南距南岸二里餘湖水自觜南西匯六里至劉家集北曰戚湖又西少北匯四里曰鵝頭湖湖之西有潘家觜長二里餘南對南岸一里半湖水又西北匯六里曰樟松湖左有港至龍口注江右岸爲沱河觜觜西池西北長三里餘闊約一里西少北對雷家觜一里半雷家觜在出龍口之港北少東三里餘湖水自雷家觜之東西北池東北匯七里半止於作家灣南自龍陽觜西池北至此長凡二十七里爲張渡湖西南隅之一汊也張渡湖之南岸自汉口東少北

二十七里至馬驛湖之東南隅皆去江岸不遠闊者三四里狹者一里中隔一隄耳而又爲平灘水落則成洲也自馬驛湖東南隅而北四里西少南池而北六里至老倒口又東北一里西南三里西少北一里半至倒水出湖之口口南距南岸六里半倒水旣匯爲張渡湖又東北流三里左受子汊河磧餘溝又東流一里半與舉水會

舉水旣會倒水又南少東流一里半右得老倒口又東少南池北流五里北匯牛皮湖又東半里有港東通黃家湖舉水又南少東流四里有金羅港東通鮑湖舉水又南流三里東流一里南流二里西流三里半南流半里至鵝公頭注江

江水又東南流五里過團風司西南又東南流八里半左有羅家溝自鴨子湖西南流一里半分一支南入長河羅家溝又北



屈南流二里半西流一里半注江江水又南流九里至堵城西  
又西南流三里過鮎魚尾北分支南匯磯窩湖江水又西北流  
九里至三江口與南支復合江水又南流十二里至新淤洲頭  
洲在大江之中南北長九里餘闊二三里江水夾洲南流十里  
至洲尾左岸爲黃州府城縣治在焉城西有新河口磯窩湖水  
注江之口也磯窩湖自鮎魚尾分江流匯爲湖北關南狹西岸  
並江長十四五里湖之異名有官湖枕頭湖王家湖長落湖大  
安湖諸目湖之南爲新河南流二里注江西對近武昌岸得勝  
洲之上墻焉江水又東南流十里右過樊口至武昌城北又東  
微南流二十四里左得巴河口有道觀河匯鮑湖流爲長河爲  
三台河復匯後湖東至巴河口來注

道觀河源出縣北少東八十五里之團腦爲龍潭河西南流

五里至鋪平嶺北又委曲西流九里有張家河自左來合張  
家河源出戚住山西北流三里至楊杯山北左合一溪又北  
流三里過清飄嶺西曰盧家河右有朱家河自泉華山委曲  
西北流八里與合張家河又西北流二里至上石門北左有  
柳家河自黃龍嶽東南流四里北受一溪又東少南流四里  
與合張家河又北流二里半右受一溪又北流二里合道觀  
河道觀河又北少西流二里曰魏家河右有小溪自林家砦  
西流三里注之又西北流一里半右有段家河自大岡屈曲  
西南流十三里左凡受二小溪至香末店南來注道觀河又  
爲金沙河委曲北少西流七里西流三里過花石洞北左有  
菜子腦水北流三里西流一里半南受一溪又北少西流四  
里來注道觀河又北流二里西流二里至抱龍嶺北又北少

東流一里半至王家畧西又西北流三里西流三里左有小溪自道觀河鋪北西少北流三里注之道觀河又西流一里半北有土流河東自大岡屈曲西少北流九里半曰柳樹河右有枇杷腦水南流四里注焉又屈曲西流十二里曰左家河又曲過虎山北西流五里至高鋪子東是爲土流河有沙河分支西北自三河口東南流三里半入焉土流河又南流半里入道觀河道觀河又西南流七里經新發沖有沙河分支自河口南少西流六里來入道觀河又西南流五里曰蔡家河沙河自北來會沙河源出道觀河源東南六里之屏風砦北少西流十里歷小崎山團腦之東至大崎山東黃麻坳西抵麻城界爲紙棚河入麻城境西北流十一里過白梅山西曰盧家河右有橫河自鶯嘴石西少南流九里入焉沙河

又爲馬一河西流四里至紅石砦北又北流四里曰鄒家河又西流二里西北流一里半東南流一里曰端陽河又北流一里曰青草河又西流一里西北流一里曰李家河又爲夫子河西流六里過陶家鋪南至縣界又循界南流一里左受富興灣小溪右受護國寺小溪又南流二里至曹興砦東左有水自象奇山循縣界西北流五里又西少南流三里分爲二至沙河鋪北來注沙河又南少西流七里半出陶璜砦方家山之間至扁擔山西又西流七里至三河口分一支東南流入土流河一支南少西流入道觀河沙河又西流一里分爲二夾垣子灣西南流三里復合又南迤西南流三里至楓香砦鋪東又南流三里至黃家畝北又西流一里南少東流二里與道觀河會道觀河旣會沙河又南流一里至滿湖砦

西北左有石榴河自抱龍畧爲荔支河南迤西流三里南流一里西流一里西少南流四里西北流二里至久長鋪南又西流四里來注道觀河又南流二里有分支西流三里至何家鋪復入其經流南少西流一里半左有山廟河自馬鞍山西北流九里至響水畧東右岸有山廟河市又西北流六里至鋪兒背南又西南流一里半西北流三里至龍井坳東又北少東流二里至瓢兒山西又西北流四里右岸有舊河街又西北流一里注道觀河又西少北流二里半至何家鋪南復受分支又西北迤西流二里過馬路口北有港西少北五里半通李木子河道觀河又迤西流二里半至柳林街南又西南流三里至黃家背北左有陳家河自龍井坳西流三里半至孫家山北又北流五里半西流一里南少西流一里至

大鼻山北又西流三里西北流一里來注道觀河又爲張家河南少西流十二里半匯草場湖草場湖詹大湖黃家湖鮑湖一湖之異名也湖長而狹南北凡二十五里最闊之處惟詹大湖有八里餘狹者至不盈里湖水自道觀河匯口之西一里爲李木子河匯口李木子河源出麻城縣境之城墩區爲姜家河南流十里至縣界天燈岡之西又入縣境南流四里過鄭家樓東有水自麻城委曲南少西流九里過天燈岡東入縣境至敦陳砦北來注左岸李木子河又南流三里西南流四里東流一里半南流一里西南流一里左有易家河自縣與麻城界之上謝店循界南少西流四里過王家林西又入縣境委曲西南流十六里來入李木子河又南少西流二里右受一溪又南少西流一里半至何家苑西右受一溪

始爲李木子河南微西流七里至毛山砦東北右有打石河  
自高秦家南流六里右受喻家岡小溪又南少東流十里過  
毛山砦北來注李木子河又南流七里經烏龍橋至戴家灣  
東又西南流七里半至風合山東北受一溪又西南流半里  
有港東少南通道觀河李木子河又南微西流十七里匯草  
場湖湖水又西西匯一里南少東匯三里西南匯三里南匯  
三里有白塔河西通響水湖水又南匯五里其外爲詹大湖  
又南匯五里其外爲黃家湖又東南迤南匯四里有港自下  
巴鋪之南西通舉水湖水又南匯二里東少南匯二里其外  
爲鮑湖有金羅港通舉水湖水又東少南匯五里至盤石橋  
北爲湖水之出口自道觀河匯口至此爲湖之西岸其東岸  
自道觀河匯口東一里有孔子河自風華山西北流五里東

合祠堂灣水又西北流四里至煙墩腦北逕孔子橋又西流  
三里至仙人掌南又西南流五里注湖湖水又南匯一里有  
丁家壩鋪水自鋪北西流五里南迤西流三里半來注湖水  
又南匯三里西南匯五里至石盤觜北西少南二里對白塔  
河口有夏家河自飛鳳山之北爲彭家河西微北流九里至  
雨華山北陳家河自將軍山屈曲西少南流七里過梨樹坳  
北有港西北半里通邵家河又西南流半里入夏家河夏家  
河又西流二里半至淋山河鋪之西邵家河自邵家腦屈曲  
西南流六里有港東南半里通陳家河又西少南流二里半  
過淋山河鋪北來合夏家河又屈曲西微北流七里經夏家  
河橋至石盤山北與自古泉亭西流九里之水同注湖湖水  
又循石盤山南匯二里半距西岸不及一里其南卽詹大湖

也湖水又循石盤觜東匯二里西南匯二里至詹家觜詹大湖自此東匯五里至長塘角爲湖之極闊處自詹家觜東南三里過詹大湖至龍王墩之觜又循觜南匯三里其外爲黃家湖又東北匯一里東南匯一里半西南匯一里半至龍家觜又池東匯一里南匯二里西南匯一里至於家觜其外爲鮑湖又東匯二里半北少東四里南三里西南二里南一里半至盤石橋北而東岸盡矣湖水自盤石橋爲長河東南流二里北匯小湖又屈曲東南流四里至錐子岡北何家湖自左注之何家湖南北約九里東西約三四里湖之北有滾子河自黑狗畧西流十一里至飛鳳山東又南流三里東南有小溪注之又西流一里東南有小溪注之又西流四里至宋家牆東又南流六里半爲盧家河注何家湖何家湖之東南

隅有響水碧水屈曲西南流十一里注之何家湖水自西南隅注長河長河又南少西流一里半過赤山橋又南流二里半右匯小湖又南少東流一里右匯小湖又東南流一里半右匯小湖又東南流三里至雨台觀南左匯鷓子湖鷓子湖之北別有小源自白洋山屈曲西少南流十二里逕梅婆橋下注湖湖水自其注口西南流五里當長河匯口而漸闊凡二里又南半里有羅家溝西流注江湖至此闊三里半又南流二里至長河出口湖之南岸向東少北闊凡五里長河出口在湖之西南隅長河又南流二里過鷓湖街西右有羅家溝分港南少東流三里來入左有外湖水西北流爲黃土河來入長河又南流二里左受小溪又西南流一里右受小溪又東南流四里至楊家墩東分支爲鰕子河東南六里過趙

家潭至其出水之口趙家潭之北有夾塹溝自蓮蓬山屈曲西南流十七里至合拳山西匯爲趙家潭潭南北長約四里闊約二里其西南隅合長河分支其東南隅爲道人湖河南少東流七里東池南流五里西少南流四里過道人湖街北又南池東流三里南流三里有陳家港東二里半通巴河分支又西池南流五里注赤野湖自鰓子河至此爲長河分支其長河經流則爲三台河南池東南流三里南流二里西少南流二里南流五里過玉帶橋右匯黃梅汊呂陽汊又南少東流九里匯古渡湖匯口西距縣城十里古渡湖赤野湖魚兒湖後湖一湖之異名也湖之極闊南北十三四里東西略如之自三台河口東南至曹家渡出水之口凡十四里湖岸自三台河口東一里北三里東北二里東一里至楊家觜又東南一里半南二里北少東一里半東南三里至道人湖河口口西距三台河口七里湖岸又自道人湖河口東南二里至三汊街西其外爲魚兒湖有巴河分支自官方灣南分巴河水西南流三里南流二里有港西通道人湖河又西南流五里注湖湖水又南少東八里至曹家渡口爲湖之北岸東岸其西與南之岸自三台河口南一里西五里東南二里至康家磯又西南一里東南一里半東三里南少東五里至楊林鋪北南距江岸一里半又並江而東十里至曹家渡口湖水自此爲港東少南流五里至巴河口注江

江水自巴河口以下則入蘄水界焉

鄉鎮

縣有鎮市十七鄉八村七十六

團風鎮在縣北五十里陽邏鎮在縣西北一百二十里但店鎮在縣東北一百二十里倉子埠鎮在縣西北一百二十里路口市在縣東二十里陶店市在縣東三十里魚博橋市在縣東北六十里上巴河市在縣東北八十里盤石市在縣北六十里辛家衝市在縣北百里新洲市在縣北百十五里久長市在縣北百十里張家店市在縣北百二十里黃岡廟市在縣東北百三十里汪家集市在縣西北百里柳子港市在縣西北百三十里街埠市在縣西北百三十里

鄉在縣東者曰東苙鄉曰還和鄉在縣東北者曰永甯上下鄉在縣北者曰慕義上下鄉曰上伍重鄉曰下伍重鄉在縣西北者曰庶安上下鄉曰中和鄉

東苙鄉有村七曰呂陽三曰黃土一曰黃土二曰城子一曰城

光緒湖北輿地記七

三

子二曰魚博一曰魚博二還和鄉有村七曰昔田一曰昔田二

曰昔田四曰橫溪一曰橫溪二曰白楊一曰白楊二永甯上下

鄉有村十二曰西潼一曰西潼二曰西潼四曰東平一曰東平

二曰東平三曰午穀二曰午穀三曰石尉一曰石尉二曰石尉

三曰石尉五慕義上下鄉有村九曰白虎一曰白虎二曰東把

一曰東把二曰東把三曰永甯二曰城南一曰城南二曰城南

四上伍重鄉有村九曰校魚一曰校魚二曰青邱一曰青邱二

曰青邱三曰靈陂一曰靈陂二曰靈陂三曰三屯一下伍重鄉

有村八曰長久一曰長久二曰長久四曰板橋一曰灑河二曰

灑河三曰歐陽一曰歐陽二庶安上下鄉有村十三曰安仁二

曰安仁三曰安定一曰安定三曰長樂一曰長樂二曰長樂三

曰長樂四曰高砂一曰高砂二曰高砂三曰高砂五中和鄉有

村九曰雙柳一曰松固二曰感化一曰感化二曰車埠一曰車埠二曰車埠三曰武樂一曰武樂二

三店汎在縣北百二十里

東路自縣前鋪十里至長圻鋪又十里至楊林鋪又十里至桑林鋪又十里至烏柏鋪抵蘄水縣界

南潁大江無鋪過江為武昌縣城站

北路自縣前鋪十里至長坡鋪又十里至楓香鋪又十里至松陽鋪又十里至臨江鋪又十里至團風鋪又十里至花園鋪又十里至竹瓦鋪又十里至淋山鋪又十里至丁家塢鋪又十里至黃山鋪又十五里至久長鋪又十五里至道觀河鋪抵麻城縣界

西北自團風鋪十里至馬驛鋪又十里至濫泥鋪又十里至矮

光緒湖北輿地記七

三

劉鋪又十五里至汪家鋪又十五里至雙流鋪又十里至城林鋪又十里至陽邏鋪又十里至粉壁鋪又十里至曹冲鋪又十里至畢家鋪又十五里至周山鋪又十里至陶山鋪又十里至三山鋪抵黃陂縣界

職官

知縣 縣丞 教諭 復設訓導 巡檢四員 一駐團風鎮一駐陽邏鎮一駐

但店鎮一駐倉子埠鎮 典史 城守副將 都司 千總 把總 店汎 外

委 額 外 外 委

知府 通判 洲 教授 復設訓導 經歷 黃州衛守備

黃安縣

沿革

漢西陵邾二縣地屬荊州部江夏郡三國時分屬吳魏屬吳者



爲邾縣西北境屬魏者爲石陽縣東北境均屬荊州江夏郡蓋魏吳各置江夏郡也石陽本吳以漢西陵縣地置旋爲魏有又名石楚嘗爲魏江夏郡治晉爲邾縣地屬豫州弋陽郡後屬西陽郡咸康中地入後趙石氏喪亡復歸於晉宋爲西陽建甯陽城三縣地屬豫州西陽郡齊爲建甯安蠻二郡地均屬司州梁爲北江州之梁安義陽湘州之永安沙州之齊安四郡地大清三年地入東魏爲北江州之梁安湘州之安蠻梁甯永安沙州之建甯五郡地後齊爲湘州之梁安永安義陽三郡及南司州地陳大建五年地歸於陳爲北江州地十一年地復入後周爲亭州建甯郡黃州安昌郡地隋爲木蘭縣地及黃陂縣東北境麻城縣西境屬荊州永安郡唐武德三年省木蘭入黃岡縣遂爲黃岡黃陂麻城三縣地屬淮南道黃州明太祖九年分黃岡

光緒湖北輿地記七

三

黃陂麻城三縣置黃安縣屬湖廣布政司黃州府 國朝屬湖

北布政司黃州府

疆域

廣六十二里縱一百二十六里至 京師陸程二千九百四十里至省陸程二百二十里至府陸程三百二十里橫距府經綫三十七里縱距府緯綫一百七十四里斜距府一百七十七里東至麻城縣界二十六里西至黃陂縣界三十六里南至黃岡縣界七十四里北至河南光山縣界五十二里東南至麻城界四十八里東北至麻城光山界五十七里西南至黃陂縣界三十八里西北至黃陂羅山界六十五里

天度

附日出入

緯度北極出地三十一度十八分四十二秒經度距 京師中

綫偏西一度五十四分三秒

冬至日出辰初刻一分十二秒日入申正三刻十三分四十八秒晝三十九刻十二分三十六秒夜五十六刻二分二十四秒夏至日出寅正三刻十三分四十八秒日入戌初初刻一分十二秒晝五十六刻二分二十四秒夜三十九刻十二分三十六秒

山

縣中諸山自老山東循縣北界至羚羊山爲中幹之山其入縣支山之最長者凡二曰澗水倒水閒山曰倒水與麻城浮橋河閒山皆歷縣境而兼及別縣者也老山在縣西北六十三里與河南羅山縣界山也其西有小龍山自老山而東曰團駝山又南曰吳家坳吳家坳之南曰舌尖山又東南曰灰山東南有牛頭山廟尖山光頭山又南曰打鼓山又東南曰黃北山吳家坳之東北曰乳山又東北曰豹子岡又東曰神卦山南有孫劉家山又東曰仙居山

光緒湖北輿地記七

七

仙居山之南曰雞籠山又南曰五家山東有長安砦有白馬腦山有獅子山又南曰楊家山西南有老虎洞又南曰燈籠嶺東有打魚尖山有飛山砦又南曰觀音砦西有糠頭嶺有銀觜石岡東有曾家岡又南曰羊角山東有順天砦有野豬山又南曰馬鞍山東有雨台山有平心砦又南曰五騰砦東有祖師山又南曰姚家砦東有砦基山又南曰高婆岡又南曰何家砦此爲沙河灑水閒小支也

又東曰西土地嶺南有人砦又東北曰觀音山南有公平砦有觀音砦又東北曰徐家砦山又東北曰張家砦山東有曾家岡

又北曰煙墩山東南有界牌岡灑水出焉又東曰鷹雞山又東南曰普安砦普安砦之西南曰張家砦西有黃陂站司又南曰馬邊砦又南曰尖山岡東有劉家砦雨頭山鯽魚坳鷹背石又西南曰桃子山又南曰將軍山西北有鮎魚山西南有塔坡山東有涂家灣陶家河水出焉河之東有陰拓山有橫山有老貫砦有鍾家砦又南曰七里岡又西南曰坐旗山又南曰打馬嶺又南曰銀山砦曰張家砦自普安砦至此爲灑水東西二源間小支也又自普安砦之東曰響鈴砦又東北曰三角山南有土地嶺又東南曰雲峰寺山北接光山縣界

雲峰寺山之南曰青龍山又南曰百級砦西有大金田山有獅子沖灑水東源出焉西南有兩台山有七寶山又東曰溜石版山又南曰清香山東有仙居頂有香鑪山有木魚山東

光緒湖北輿地記七

三

南有小尖山顏店河出焉有席家岡有天兒山有馬家岡又南曰點兵山西有姚公山有北廟岡有金牛山有打雁山點兵山之東曰霸王坳又東南曰人和砦又南曰木魚山又南曰雨台又東南曰永安寺山東有石家岡西有高廟岡又東南曰石家砦東有太平砦山又南曰豆楂坡西有劉家砦西南有戴家砦又南曰風山又西南曰望城岡止於金場河口點兵山之西南曰陽台山陽台山之東南曰燈籠山東南有望城岡又南曰茅連坳曰金家岡曰黃家岡東有葉家岡有馬鞍山又南過清吉沖金場河出焉又東曰夾山砦東有黃山坳又東南曰眞君觀山東北有道場岡又東曰黃花坳南有王母砦東有紗帽翅有仰天窩有似馬山有流通砦有大山有雲台有令牌石有潭頭岡牛矢山又東南曰却禮山又

東南曰涼亭岡西南有萬家岡有螃蟹山王子山東北有萬家岡又東南曰研盤岡東有上獨山又東曰棚子岡又東南曰鷹背山此楊二港金場河間小支也陽台山之西南曰趙家砦北有高家山又南曰同安砦又西曰王妃坐山東南有熊家嶺有岳家岡又西南過魚目港曰高城山自高城山以往之亘於縣與黃陂界并錯出二縣之小支又下至黃岡之長山均詳黃陂篇內是爲灑水東倒水西之支山也

雲峰寺山之東曰老君山東有鐔子山有堆天關山有卓山有仰天窩山又東北曰南山岡又東曰記魚嶺南有鱗博尖又東曰天台山又東曰打油尖南有黃楊砦東南有丸嶺十三坳有雞公山又東入光山境過白沙關之北倒水出焉又東至縣界曰孤獨砦

孤獨砦之西南曰道士山又西南曰牛頭山東有葫蘆坳有木城砦山有雞公砦又西南曰虎山又南曰柏樹岡南有龍王山又西曰清風嶺南有大佛山有小佛山有傅家坳又西曰黃石砦黃石砦水出焉又西曰李家坳又西曰淡皮樹坳又西南曰酒醉山又南曰東林岡又南曰悟機山又東南曰張橫山此倒水正源與袁英河間小支也

孤獨砦之東曰雙山壘袁英河出焉又南曰馬家岡又南曰苦竹坳又南曰羚羊山縣與麻城光山之界山中幹之山自此東循麻城光山之界其南出之支則有縣與麻城之界山焉

羚羊山南循縣與麻城界曰太平砦西入縣有梅家坳胡家坳又南曰白鴉山西入縣有廟峰山有長興嶺有江家岡有塔兒岡有戴家坳東入麻城有太平山東南有苦茗山有翠

華山有掘金砦有光裕山有玉籠山又西南曰鯉魚山西入縣有大姑山有唐家坳又南曰光祿山西有雞冠砦西南入縣有馬鞍山有九龍山東南入麻城有獨山砦有望孫山又南少西曰盧鳳山又南曰楊貞山又南曰角兒尖山東南入麻城有桂家砦有奉道山又西南曰土門坳山劉子河出焉東南入麻城有林家山有謝家山有大山岡西南有虎洞山有竹葉尖山陡埠河出焉有七官頭山有獅子口土門坳之西北入縣境曰白廟岡南有大小坳口大小坳口水出焉水之西有鵝公砦有王金砦有雞公砦有四屋砦山又東北曰柏林寺山楊二河出焉北有吳家坳又西曰大雞子山又西南曰古墳林西有虎山東南有涼亭岡又西南曰游仙山又西南曰鏗子山又南曰居仙山又南曰大坳山又南曰隔山

又西曰大樹山止於陡埠河口此袁英河陡埠河開小支也土門坳之南循縣界者曰紫雲砦山又南曰界林石山界林石山又東南曰夕陽寺山松溪河出焉南有鵝石山又東曰土門山東南入麻城有大雄砦又南曰太平砦西南循界有大木山有向打石有賀家砦山又東南入麻城境曰龍王山西有仙人砦有紅土山又東南曰黃龍山東南有大福山有石明山有仰天窩山有烽火山砦有朱山有宋家砦又西南曰管山西有羊山砦有百級山有光頭山南有紅石山有白山又東南曰王閣山東有龍王尖有鮎魚山有林家砦又南曰稼山又南曰東山此松溪河以東小支也又自界林石山西南入縣境曰三角山又南曰寒婆坳東南有香鑪山又西曰唐家坳南循熊家河之東有張家砦山有權門石山有熊

家大山有大塘山有火龍砦山有尾頭山又西曰長竹山西  
北有桐子山有九宮山有豹子山西有淨瓶山有栲山有龜  
山又西南曰熊家坳熊家河出焉西有炭山有半月山有蛇  
山有五雲山又西南曰歸元山東有官山又西南曰百望山  
西有汪家砦又南曰放牛山又南曰徐門砦南有寒山有筆  
架山有長山有卓望山又東南曰麒麟山又東曰小峰山東南  
有大峰山有林家岡有張清砦又南曰黑漆岡黑漆岡之東  
南曰江家坳又東南曰龍井坳又東南入麻城縣境曰獨山  
又西曰西峰山又東南曰大聖山曰李家山又南至岐亭南  
曰辭家山又南止於王家腦黑膝山之南曰王家岡又東南  
至麻城界曰竹子山東有廟山西有牛角山又南循界曰韭  
菜坳東南有研盤岡有彭家山又南曰石家大山東有會龍

山又南曰丫頭山東有馬頭山有余家山又南曰九螺山又  
南曰黃岡嶺又東至黃岡縣界曰大山西有麻園坳又南曰  
官山砦東有道婆山有郭家岡又南曰溫家坳又南曰雨頭  
山西有石家砦有謝家砦又南曰道人山西有黃婆坳又東  
南入黃岡縣境曰新砦東有石屋山有楊家岡東南有鳳皇  
砦有鐘家山西有毛家砦旋網岡又南曰烏龍岡又南曰桂  
花山東有古城砦又南曰將軍坳又南曰長嶺岡止焉是爲  
倒水與麻城浮橋河間支山也

水

倒水卽西陽五水之西歸水源出河南光山縣南境之白沙

關西南流十里曰郭家河又十里曰西界河

西界當卽西歸轉音

始入

黃安縣北境又西迤南流五里經周八家店西雞公山東曰

潘家河又西南流二里至滴水碁東又南少西流六里過酒  
醉山西又四里至七里坪有顏店河水西北自小尖山東少  
南流八里過木魚山南折而南流一里又西池南流三里至  
花園畝西又東南流一里入倒水倒水又西南流二里西流  
一里半東南流一里半爲貢吳家河又南池東流六里爲柳  
林河又南流二里至雙河口有袁英河自縣境東北界之雙  
山礮西流來注以上爲倒水西源府志所謂白馬河當卽指此袁英河源自雙山礮  
南少西流六里爲箭廠河又西南流八里爲涂氏河又南流  
七里至蓮花背東又西流二里爲倪家河又西南流二里爲  
來家河又西南流八里過龍王山之南曰程家河有水北自  
龍王山之西毛屋店南流七里來注袁英河又南少西流九  
里過九龍山西至謝家背有劉子河東南自馮家坳東北流

光緒湖北輿地記七

庚

二里北流三里半西北流二里曰團畝河又西南流四里半  
西北流二里曰閔家河又西北流七里來注袁英河又西南  
流二里至袁英河店折而西北流六里過傅家坳至小佛山  
之西曰萬家河有黃石砦水自北西南流五里南少西流四  
里至王敘九東又南流二里東南流四里過鄭必高西來注  
袁英河又西南流二里東南流三里至台山沖北又西流二  
里半北流一里西南流五里曰東劉河又西南流一里至雙  
河口入倒水府志以袁英河爲倒水正源倒水又西南流二里過聖人湖  
南又南流四里至虎山北又西北流一里半至張成南又南  
流一里東南流三里西流一里至太平砦東又南流一里半  
東南流二里半過游仙山南又西流六里半過栗林北又西  
南流四里過縣城西又南流四里半至大樹山西有金場河

水西自清吉冲東流北會五里橋水來注金場河源自清吉冲南流二里東流一里過夾山砦北又分爲二東北流二里至中徐家南復合又東北流二里半至下徐家南又東流二里至馬鞍山南又東南流四里過流通砦北有五里橋水西北自陳祖東南流四里至五里橋又東南流三里至戴家砦西又南流六里來會金場河又東流一里半入倒水倒水又南少東流五里至牛矢山東有陡埠河東自竹葉尖山西流來注陡埠河源出竹葉尖山西南流三里曰張家河又西南流三里過三角山北至曹家灣北又西流六里爲油榨河有大小坳口水自東北西南流十里過四屋砦山之東七官頭山之西至百羅坵東來注陡埠河又西南流三里半至九宮山北又屈曲西少北流七里過豹子山北至兩河口有楊二

河東北自徐家畝南少西流十八里歷涼亭岡東三屋背百果樹之西來會於兩河口陡埠河又南少西流六里至陡埠河市又西流四里半入倒水倒水又南流九里至水口寺西又爲塞家河東南流六里有項家河水東北自五雲山西南流七里來注倒水又南流一里半曰羅家河又東南三里曰陳家河又南流七里過新田鋪西有魚目港西北自下新集南分灑河水東南流爲楊二港來入魚目港自下新集南分灑河東南流一里半有永安橋水自東北流二里半來注魚目港又東南流二十二里至徐家畝北有余通河北自大趙家東流一里半受東自清水塘西流三里過周海驛之水又南流二里半受自東北西南流二里之小溪又南流六里半受東自眞君觀山西流三里之水又南流五里有白雲寺山



水南少東流四里西受韓家隴東流一里之水又南少東流九里半會余通河南流一里來注魚目港又東南流四里半至何家田西有水東北自王母砦西南流三里來注魚目港又東南流四里半至鄧家畝南受自東北向西南流二里之水魚目港又東南流一里半受東北自卻禮山流二里來注之水魚目港又東南流三里南受一小溪又爲楊二港東南流一里至黃家西北受一小溪魚目港又東南流十四里米氏坳水東流三里南流二里過黃土坡西又東流四里來注魚目港又東流二里入倒水倒水又自陽和山之東寒山之西南流十里過柿林鋪西至長山西有四田鋪水西北自隨陽砦之南東流五里過大金山北至金山店南又東南流八里來注倒水又循長山西南流一里半有泗水西少北自大

光緒湖北輿地記一

旱

金山東南流四里合南自李家樓東流二里半北流四里之水同東流四里來注倒水又西南流二里半東流二里至中和司南又東流五里半過趕魚山北又南流三里至金家壩西受自趕魚山南東南流一里半之水倒水又南流十里又爲黃家河西流三里半有壽仙橋水西北自魯家田之南北各發一源東流八里而合又東南流一十九里半至壽仙橋又東流來注倒水又南流四里過煙墩山東又東少南流五里過劉德砦南至其東太平橋港北自李家灣南流三里半來注倒水又南流三里經錫杖山東又南流八里曰紫檀河入黃岡境

鄉鎮

縣有鎮市八鄉三集二十村二十一鋪一

中和鎮在縣南六十里雙城鎮在縣北三十五里桃花店在縣東三十里八里灣市在縣南七十里呂王城市在縣北六十里黃陂站市在縣西北九十里七里坪在縣北四十里雙山壘在縣東北九十里

鄉在縣東北者曰泰仙鄉在西北者曰澗源鄉在南者曰中和鄉

泰仙鄉有村集十四曰百羅集曰油榨集曰袁英村曰戴世村曰蓮花村曰程朋村曰箭廠河集曰七里坪集曰張家村曰貢吳村曰王錫村曰黃陂站集曰熊家村曰李大村澗源鄉有村集十四曰呂旺集曰四姑墩集曰劉家村曰華家河集曰華家村曰張家村曰黃祥村曰上新集曰江牌集曰田店集曰茶棚集曰袁家村曰槽門集曰詹店集中和鄉有村集鋪十四曰河頭集曰栗子村曰厚土村曰寶店集曰杜家集曰沙河村曰劉家村曰謝家村曰中和集曰八里灣集曰桃花集曰永嘉集曰栗林鋪曰袁家村

黃陂站汎在縣西北九十里

西路有鋪一曰高林鋪至黃陂縣之劉家鋪二十五里南路有鋪十一曰十里鋪曰周家分水鋪曰桃花鋪曰栗林鋪曰柿林鋪曰中和司鋪曰八里灣鋪曰馬頭鋪曰太平鋪曰高林鋪至黃岡縣界一百一十里

職官

知縣

教諭

訓導  
巡檢二員

一駐中和集  
一駐黃陂站集

典史

把總

外委

駐黃陂  
站集



